



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ

Ո Ր Ո Շ ՈՒ Մ N_01

Տուգանք նշանակելու մասին

05.01.2024թ.

ք. Երևան

Քննելով տեսչական մարմնի կողմից 2023թ. նոյեմբերի 03-ի N 754-Ա հրամանով

«ԷԴԳԱՐ ԳԱԼՈՅԱՆ ՀԱՐՈՒԹԻ» Ա/Ձ -ում /ՀՎՀՀ՝ 74317418/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 754-Ա կազմված 13.12.2023թ., խախտումների մասին 07.11.2023թ. արձանագրությունը և այլ նյութերը), որոնցով բացահայտվել է որ՝ Ա/Ձ-ն ՀՀ, Գեղարքունիքի մարզ, գ.Ծովազարդ հասցեում իրականացնում է բենզինի և դիզելային վառելիքի մանրածախ վաճառք:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Չափումների միասնականության ապահովման ստուգման վերաբերյալ» և «Ավտոմոբիլային և ավիացիոն բենզինի, դիզելային և նավերի համար նախատեսված վառելիքի, ռեակտիվ շարժիչների համար նախատեսված վառելիքի և մագլոֆի ստուգման վերաբերյալ» ստուգաթերթերի հիման վրա:

Ստուգման ընթացքում պարզվել է, որ ավտոմոբիլային բենզինի և դիզելային վառելիքի վաճառքն իրականացվում է 2 բաշխիչ աշտարակներով յուրաքանչյուրը 1 ճկափողով, որոնք 23.07.2023թ.-ից մինչև 25.08.2023թ. ընկած ժամանակահատվածը չահագործվել են առանց ստուգաչափման, որպեսզի զանցանքը նախատեսված է վարչական իրավախախտումը կատարելու ժամանակ գործող խմբագրությամբ ՎԻՎ օրենսգրքի 158-րդ հոդվածի 44-րդ մասով:

Միևնույն ժամանակ արձանագրվել է, որ բենզինի մանրածախ վաճառք իրականացնելիս Ա/Ձ-ն ունեցել է 10լ. անվանական տարողությամբ տարա, որը սակայն ստուգաչափված չի եղել, որպեսզի զանցանքը նախատեսված է ներկայումս գործող խմբագրությամբ ՎԻՎ օրենսգրքի 158-րդ հոդվածի 39-րդ մասով, քանի որ այն մեղմացնում է նշանակվող տուգանքի չափը՝ տվյալ վարչական իրավախախտման համար սահմանելով վարչական տույժ՝ նվազագույն աշխատավարձի չորսհարյուրապատիկից

հինգհարյուրապատիկի չափով տուգանք, իսկ իրավախախտումը կատարելու ժամանակ գործող խմբագրությունը նախատեսում է նույն արարքի համար վարչական տույժ նվազագույն աշխատավարձի հինգհարյուրապատիկի չափով:

Տեսչական մարմնի ղեկավարի կողմից խախտումների և թերությունների վերացման ուղղությամբ կարգադրագիր չի արձակվել, քանի որ արձանագրված թերությունները և խախտումները վերացվել են:

Փաստացի խախտվել է՝ «Չափումների միասնականության ապահովման մասին» ՀՀ օրենքի 16-րդ հոդվածի 1-ին և 2-րդ մասերի, «Առևտրի և ծառայությունների մասին» ՀՀ օրենքի 9-րդ հոդվածի 17.2-րդ կետի և ՀՀ կառավարության 2022թ. ապրիլի 22-ի N 537-Ն որոշման հավելվածի 7-րդ կետի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում՝

Էդգար Հարութի Գալոյանը

իրավախախտողի անունը, ազգանունը, պաշտոնը

ՀՀ, Գեղարքունիքի մարզ, Գավառ, Ծովագարդ, Հաղթանակի փ., 1

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաթանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 05.01.2024թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Պատասխանատվությունը մեղմացնող հանգամանք է դիտվում այն, որ իրավախախտում կատարած անձը արձանագրված թերությունները և խախտումները վերացրել է:

ՀՀ ՎԻՎ օրենսգրքի 158-րդ հոդվածի 44-րդ մասով կիրառվելիք պատասխանատվության միջոցը՝ տուգանքը, հաշվարկել սահմանված նվազագույն աշխատավարձի երկուհարյուրապատիկի և ընկերությունում 07.11.2023թ.-ից մինչև 09.11.2023թ.-ը իրականացված ստուգմանը նախորդող եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափով: 2023 թվականի 3-րդ եռամսյակի՝ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մասին տեղեկությունները չափումների միասնականության ապահովման ոլորտում վերահսկողություն իրականացնող ՀՀ շուկայի վերահսկողության տեսչական մարմնին Հայաստանի Հանրապետության կառավարության սահմանած կարգով թիվ 01/71-6/71185-2023 գրությունով տրամադրել է ՀՀ պետական եկամուտների կոմիտեն: Տեղեկատվության համաձայն այն կազմում 2 227 435 /երկու միլիոն երկու հարյուր քսանյոթ հազար չորս հարյուր երեսունհինգ/ ՀՀ դրամ, իսկ տվյալ գործունեության իրականացման հասցեում հսկիչ դրամարկղային մեքենաներով իրացման շրջանառության մեկ տոկոսի չափը կազմում է 22 274 /քսաներկու հազար երկու հարյուր յոթանասունչորս/ ՀՀ դրամ:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտման համար պատասխանատու Էդգար Հարութի Գալոյանի նկատմամբ կիրառել՝ իրավախախտումը կատարելու ժամանակ գործող խմբագրությամբ Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 44-րդ մասով նախատեսված պատասխանատվության միջոցը, սահմանել տուգանք սահմանված նվազագույն աշխատավարձի երկուհարյուրապատիկի և ստուգմանը նախորդող եռամսյակի

մեկ տոկոսի չափով, այն է՝ 222 274 /երկու հարյուր քսաներկու հազար երկու հարյուր յոթանասունչորս/ ՀՀ դրամ

2. /200 000 և 22 274/ և ներկայումս գործող խմբագրությամբ Վարչական իրավախախտումների վերաբերյալ Հայաստանի Հանրապետության օրենսգրքի 158-րդ հոդվածի 39-րդ մասով նախատեսված պատասխանատվության միջոցը, սահմանել տուգանք 400 000 /չորս հարյուր հազար/ ՀՀ դրամի չափով: Ընդհանուր 622 274 /վեց հարյուր քսաներկու հազար երկու հարյուր յոթանասունչորս/ ՀՀ դրամի չափով տուգանք:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում վարչական կամ դատական կարգով ՀՀ Վարչական դատարան:

ՏԵՍԶԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԵՆ ԿՈՏՈՒՅԱՆ